

PƆLU KALATA'N M'Ɔ TIAN YI NNYUAN M'Ɔ HƐLELI NWANLƆN TIMOTE'N

M'Ɔ wƆ nun'n

MƆ anƆn PƆlv la fiadi Ɔ le nwun yale *LƆmƆn ƐlƆ'n, y'Ɔ hƐleli kalata Ɛhi Ɔ (yƆ ti 1.8,16-17, 2.9). Ɔ hƐleli nwanlƆn Timote. MƐle sƆ'n, anƆn Timote wƆ EƆzi kulo nun asƆ Ɛbele. PƆlv nwan Timote asa kan kalata nun an, n'Ɔ de sie nan Ɔ tu yƆ LƆmƆn ƐlƆ (4.9). Afi, Ɔ de di ke yƆ ewue cƆan nun a kpunngƆ (4.6). PƆlv a li junman kpa Ɔ'a man yƆ MƆn Zozi Kilisi, yƆ ti, Ɔ le wowula Timote anwƆnsƐle ke Ɔ nƆan yƆ muonun yƆ PƆlv diƐ nun asƆ nƆn Ɔ li bie.

Kalata nun ati 1.3-2.13, PƆlv le kan kele Timote ke Ɔ tƆla yƆ dedi nun anƆn kpa wƆ yale'n mƆ bƆ mƆ be bƆ Zozi EƆlekpƆa'n nwun yƆ nun anwƆn. Kalata nun ati 2.14-4.5, PƆlv le kan kele yƆ ke Ɔ jƆnlan ngehele'n m'Ɔ nƆn Ehele EƆle Nwannzan-nwannzan'n kƆ sƆ nun anƆn kpa. Ke PƆlv yƆli yƆ yƆ alimƆa kalata nun anƆn'n, Ɔ le kannzƆ Timote ke Ɔ nƆan yƆ nwƆn wƆ ato ngeheleƆƆe'n-mƆ anwƆn. Kalata nun agualƐ nun, PƆlv le bƆ yƆ asitanlan nun anƆn amannƐ, Ɔ le man Timote ngalƐ.

AhƆn ebisa

¹Timote,

MƆn PƆlv mƆ n di Kilisi Zozi bƆƆe'n kƆn, mƆn yƆ mun kele kalata Ɛhi mƆn nwan wƆ Ɔ. NyanmƆan a hulo, Ɔ'a yƆ mƆn ke m mƆ nyanmƆansƆ ngƆan m'Ɔ le man ayuelƐ nun anwƆn kpayƐ. NgƆan sƆ'n,

Nyanmian falı bəli anəhəba daba. Sian diε, y'a nyan yí wə kən eyələ'n mə ye nən Zozi Kilisi y'a yə nın anun.

² Mın wa mə mın kulo wó kpa, mın 'bisa wó ahın mın yə wó εcian'n mo.

Məndınlın nın anwən afətu'n

³ Nyanmian Kpili mə n ne ajənlın kpa mın sɔ yí ke ye nannan-mə sɔlı yí'n, mın 'da yí ası. Mın 'da yí ası ke kəngəe nən eyua, se mın 'yə asənın an, mın ti kacı wó.

⁴ Mın kacı wó nyın εmɔn nın an, anın mın lba le də wó seke kpa mın kulo ke mın nwun wó nwən, nán mın nyan fε elie kpili kpa.

⁵ Wó dedi'n m'ə ti ananhəle nın anwən εjələ te wə mın ti anun. Dedi'n mə wó nan balasua Loyisi nən wó nın Eninsi, be lili mɔa be nyanlın yí'n, mın de mın di kpa ke ε te le dedi sə'n.

⁶ Əhika ati, mın kacı wó ke, məle mə n valı mın sa n vualı wó nwən'n, junman'n mə Nyanmian Kpili falı manlın wó ke ε lí'n, bə məndınlın di.

⁷ Ɔ sanlın ke Wawε Nwannzan-nwannzan'n mə Nyanmian Kpili a fa a man yé'n, ə man ye nyə man minndiin, nan ə wowula yé anwənsεle, ə man ye nyan ehulo, εse ə man ye kɔala yé nwən bilı.

Nyian nın anwən afətu'n

⁸ Yí ti n'ε man yé Mın adanzıε elie nın anwən nyian kun wó. Mın kɔsɔ mə yé Mın dunman nun ati yé b'a tɔ mın fiadı'n, n'ε man mın nwən nyian kun wó. Nan nanndı anwənsεle'n mə Nyanmian Kpili a fa a man wó nın asɔ, nwun Əjələkpa nın anwən amannıε'n bie ke mın.

⁹ Nyanmian yê ə'a le yé ngvan ə, εse yí yê ə'a fεle yé ke ye káci yí menian ə. Nán ke like kpa mə y'a yə ti ə,

nan yí muonun ɔ'a hulo yí sɔ ɛsɛ ɔ'a nwun yí nwɔn anwunnvoe. Kilisi Zozi adawɔlɔman, Nyanmian a nwun yé nwɔn anwunnvoe ɔ'n, yí nzin nán ɔ'a bɔ mân'n.

¹⁰ Nan sian dɛ, yé Ngɔandefɔɛ Kilisi Zozi mɔ ɔ'a yɪ yí nwɔn ɔ'a hele'n dunman nun, Nyanmian a hele yé kɛ ɔ'a nwun yé nwɔn anwunnvoe. Ɔ sanlɪn kɛ Kilisi Zozi yê ɔ'a tɔa ewue ɔ'a le yí tunmin'n m'ɔ le yí nun ɔ, ɛsɛ ɔ nanndɪ Ɛjɔlekpa nɪn asu, ɔ'a yɪ ngɔan m'ɔ le man ayueliɛ'n ɔ'a hele.

¹¹ Ɛjɔlekpa sɔ nɪn ati yê Nyanmian a yɪ mɪn kɛ bɔfɔɛ ɔ nɔn ngehelefɔɛ ɔ.

¹² Ɛhɪka ati yê mɪn nwun yalɛ ɛhɪ ɔ, nan kusɔ yí nwɔn nyian ngun man mɪn. Ɔ sanlɪn kɛ mɪn sɪ sɔanlan'n mɔ m'an fa mɪn lɔa'n kɔalaa m'an wula yí nun'n. Mɪn de mɪn dɪ kɛ ɔ le tunmin ɔ nɪan like'n mɔ ɔ'a fa ɔ'a wula mɪn sa nun nɪn asu dede ɔ 'ju cɪan mɔ yé Mɪn 'bua menian'n-mɔ kɔalaa ndɛɛ'n.

¹³ Nɪan ananhɔle ɛjɔle'n mɔ n gelelɪ wɔ nɪn asu nanndɪ, nán jinlan wɔ ja nun kpa wɔ dedi'n nɔn ehulo'n mɔ ye le yí wɔ kɔn ɛyɔle'n mɔ yé nɔn Zozi Kilisi y'a yɔ nɪn anun.

¹⁴ Ɔ nanndɪ Wawɛ Nwannzan-nwannzan'n m'ɔ wɔ yé nun nɪn asu, dɪ ngehele kpa'n mɔ b'a fa b'a wula wɔ sa nun nɪn asu.

¹⁵ Wɔ muonun ɛ sɪ kɛ anianman'n-mɔ kɔalaa mɔ bɛ fi Azi mân nɪn anun'n, b'a nwanndɪ mɪn. Menian sɔ'n bé mmie-mɔ y'ɔ le Fize nɔn Ɛlɪmɔzɛnɪn.

¹⁶ Nan Onezifɔɔ dɛ, Yé Mɪn yɔ yí nvilie'n-mɔ ye. Ɔ sanlɪn kɛ fiadɪ'n mɔ b'a tɔ mɪn'n, mɪn nwɔn nyian ngun man yí, ɔ cɪcɪ mɪn lɔa.

¹⁷ M'ɔ juli *Lɔmɔn ɛwa'n, ɔ bɔlɪ mɔndɪnɪn ɔ kɔnndɛlɪ mɪn dede ɔ nwunlɪn mɪn.

18 Yí ti, cian mɔ yé Mɪn 'ba bua menian'n-mɔ ndɛɛ'n, ɔ nwún yí nwɔn anwunnvoe. Mɔ anɪn n wɔ Efɛzi ɛɔ'n, mɪn nwɔn mɔndɪnlɪn m'ɔ bɔlɪ'n, wɔ muonun ɛ si.

2

Nwun Kilisi anwɔn amannɛ'n bie kɛ mun nwun yí'n

¹ Nan wɔ dɪɛ, mɪn wa, Kilisi Zozi a nwun yé nwɔn anwunnvoe ɔ'a man yɛ nɔn yí y'a yɔ kɔn. Fa wɔ nyɪn tɔ nán wowula wɔ nwɔn anwɔnsele.

² Ejɔle'n mɔ ɛ tɪli kɛ n ganlɪn yí menian dɔvɔn anyunnun, menian mɔ ɛ de di kɛ sɛ ɛ kan ejɔle sɔ'n kele bé a, bé kɔsɔ bɛ kɔ hɔala yí kan kele bé manngɔn'n-mɔ'n, kan ejɔle sɔ'n kele bé.

³ Amannɛ'n m'ɔ mun nwun yí kɛ Kilisi Zozi nzalafɔ kpa'n, wɔ kɔsɔ nwun yí sɔ bie.

⁴ Nzalafɔ mɔ yí nwan ɔ yɔ like m'ɔ sɔ yí sahnlan'n mɔ ɔ'a fa yí junman nun nɪn anyɪn'n, ejɔle mɔ bé mɔ bɛ tɪ man nzalafɔ'n di'n, ɔ nva man yí nwɔn nwula man nun.

⁵ Svanlan kɔsɔ m'ɔ lɛ su ɛnwanndie'n, sɛ ɔ nwanndi kɛ mala'n kele nɪn an, yê bɛ fa kunnunmun elie nɪn anwɔn like bɛ man yí ɔ.

⁶ Svanlan m'ɔ kɔ li junman sele kɔ fɛ kɔ lua ebo'n, yí yê ɔ di mɔa ɔ tɪ ebo nɪn asɔ baa ɔ.

⁷ Ejɔle ɛhɪ mɔ mun kan mɪn kele wɔ'n, junlɪn yí nwɔn kpa, nán yé Mɪn 'ba buka wɔ maan ɛ tɪ ninnge sɔ'n-mɔ kɔalaa abɔ.

⁸ Man wɔ tɪ kácɪ Zozi Kilisi m'ɔ fi ewue nun ɔ'a tɪnge'n. ɔ tɪ belemgbɪn *Davidi abɔsɔ svanlan kɛ Ejɔlekpa'n mɔ mun bɔ'n kpɪn kele'n.

⁹ Ejòlekpa sò nún atí yê mún nwun yalé m'ò esé b'a gua mún sa ngònzòngònzò ké kodiawu. Nan Nyanmian Anvan Ejòlé'n dié, bé bòli man yí kpaun.

¹⁰ Ehika ati, bé mò Nyanmian Kpili a kpa bé a yò yí dié'n-mò dunman nun, mún tila mún ahònlín wò amanníe enwuan'n kwalaa anun. Yí dié anún bé kùsù bé nòn Zozi yò kòn, nán b'a nyan ngvan, bé nòn yí a tanlan yí anunminnyanmòn'n m'ò le man ayuelíe nún anun.

¹¹ Ejòlé ehí-mò mò bé lé kan'n tí ananhòle:
Sé yé nòn yí, y'a wu a,
yé nòn yí 'nyan ngvan.

¹² Sè yé jinlan yé ja nun kpunndiin an,
yé nòn yí 'di belemgbín.
Nan sé yé yí yé tó a,
yí kùsù ó 'yí yé tó.

¹³ Sè yé nnanndí man fòón an,
yí dié, ó nanndí fòón.
Ó sanlín ké ó ngaci man yí nvan lé.

Svanlan m'ò di junman kpa'n, Nyanmian yò yí mò

¹⁴ Kaci bé ejòlé ehí nán tu bé fòò kpa wò Nyanmian Kpili anyunnun, ké bé yáci ejòlé'n-mò anwòn butule elie'n. Ó sanlín ké nvasúe fíí nnòn man sù, ó man bé mò bé lé tie'n minlín.

¹⁵ Bò mòndínlín ké svanlan mò b'a sò yí b'a nian m'ò fi nun ó'a fite, n'è sa wó junman nún anwòn nyian, kan ananhòle ejòlé'n fòón, nán é fite Nyanmian anyunnun an, ó'a ndu man wó nyun-nun

¹⁶ Akpùlòwa esue kvasia nun mgban m'ò nòn dedi ejòlé'n tí man kòn'n, n'è su bie. Ó sanlín ké bé mò bé kulo akpùlòwa esue sò'n, cian daa anún bé nòn Nyanmian bé afian lé tí.

17 Bé ninngé dié'n mǎ bé kekele'n, ǎ tí ké anwǎnnyalé m'ǎ le man ayile. Menian sǎ'n bé mmie-mǎ y'ǎ le Imene nǎn Filéti.

18 Bé fi ananhǎle atin nǎn asu b'a jasú, bé nwan ewuetinngé nǎn a sín dada angǎnmǎn. Éjǎle mǎ bé kan bé kekele menian'n-mǎ maan bé yaci bé dedi'n bé tǎ nǎn anǎn.

19 Nan kǎsu Asǎnǎn'n m'ǎ tí ké sua mǎ Nyanmǎian a wula yí bu'n, ǎ jin yí ja nǎn kunnngun kpa. B'a hele sǎ ké: “Yé Mǎn sí bé mǎ bé tí yí dié'n.” Ése “Sǎnlan biala m'ǎ kǎ se ké ǎ tí Nyanmǎian dié'n, ǎ káci yí nzin ǎ sí nyǎle éte'n.”

20 Awulo kpili kǎn biala anǎn, nán esika kǎkǎle nǎn jete ninngé mǎ bé didi nǎn anaan bé nǎn nǎn nǎn angǎnmǎn ala ye bé nwun yí nǎn ǎ. Nan bé nwun baka nǎn afa kǎsu ninngé mǎ bé didi nǎn anaan bé nǎn nǎn kǎsu ébele. Cian mgbili'n-mǎ anǎn yé bé fa esika kǎkǎle nǎn jete ninngé'n-mǎ ǎ. Nan baka nǎn afa dié'n-mǎ, cian daa bé fa bé yǎ like.

21 Yí sǎ kǎsu ala, se sǎnlan kǎn sie yí nwǎn kǎnlǎn-ngǎnlǎn wǎ éte'n-mǎ mǎ m'an bubu m'an hele wǎ nǎn anwǎn an, Nyanmǎian 'fa junman m'ǎ tí kpa'n ǎ man ǎ di. ǎ sanlǎn ké ǎ tí yí Mǎn dié. ǎ bǎbǎa yí nwǎn ǎ yǎ nyǎle biala m'ǎ tí kpa'n.

22 Yí tí, nwanndi ninngé'n-mǎ mǎ mgbafélé'n-mǎ anyin búlú yí nwǎn'n. Kpǎnnde sese eyǎle wǎ asitanlan nǎn anǎn, nyan dedi nǎn ehulo kǎ wǎ nyunnun, é nǎn bé mǎ bé sǎ Nyanmǎian ananhǎle nǎn'n bé tánlan wǎ anzǎnunjǎ nǎn.

23 Akpǎlǎwa esue kǎasia nǎn mgban'n, n'é su bie. É sí ké yí ayuelié'n, ǎ kaci butule.

24 Sǎnlan kǎsu m'ǎ di Nyanmǎian junman'n, ǎ nvata man ké ǎ di butule. Nan ǎ di ké ǎ kulo

menian'n-mə kʷalaatin, ɔ yɔ sʷanlan m'ɔ kʷala like kele, ɛɛ ɔ si abutale.

²⁵ Kpɔɔɔfɔɔ'e'n-mə, ɔ di ke ɔ tu yí ahɔnɔlɔn asɔ ɔ kekele bé like. Ɛ 'su yí akpɔɔɔwa a, Nyanmian kʷala ke ɔ man be kaci bé abalabɔ'n be nwun ananhɔle atɔn'n.

²⁶ Anɔn bé nyɔn a a kulo, be yiyi bé nwɔn fi Abɔnsanmɔn ngaa'n-mə mə be tɔli nun be kacili nganga be yɔli m'ɔ kulo nɔn anun.

3

Ayuelɛ mɛɛ nɔn anun asitanlan'n

¹ Kaci ke mɛɛ kasian nɔn anun, mɔn nɔn anun 'ba yɔ si kpa.

² Afɔ menian'n-mə 'ba kaci ahyɔan, bé nyɔn 'ba bɔɔɔ esika, be 'tu bé nɔan nun, ɛɛ be 'tu bé nwɔn. Be 'kikan ɛjɔle ɛte be tia Nyanmian, bé nyɔn ngɔ sɔ man bé si nɔn bé nin-mə kún, be ngɔ si man ye, bé nyɔn ngɔ sɔ man like m'ɔ ti nwannzan-nwannzan'n.

³ Be ngɔ hulo man sʷanlan, be ngɔ nwun man koun, be 'sɛci menian dunman, be ngɔ hɔala man bé nwɔn bili fíí, be 'ba yɔ ati ɛte, be ngɔ hulo man kpa nɔn ɛyɔle.

⁴ Be 'laka menian, be 'yɔ mə be kulo, be 'kuku bé nwɔn sɔ. Be 'kulo mɔn nɔn anun fɛ'n be tala Nyanmian.

⁵ Be 'yɔ bé nwɔn ke menian mə be de Nyanmian be di ke yé, nan kɔsɔ be nne man yí tunmin'n be nni man. Sɔ menian'n-mə, n'ɛ fa wɔ nwɔn bɔ bé.

⁶ Nunhan mmie-mə wɔwɔɔ awulo'n-mə anun be laka laka mmalasua mə bé ajɔnnɔn'n ti tika, ɛte dɔɔn sɔ bé mə be kulo mɔn nɔn anun ninnge ngacile kʷalaatin'n.

⁷ Mmalasua sɔ'n-mɔ, cian daa be kulo ke be suan like, nan kusɔ be nwunlin man ananhɔle'n lé.

⁸ Ke Zvanesi non Zvanbelesi, be nun *Moyizi, be jinlanlin sɔ'n, yí sɔ kusɔ ala, menian sɔ'n-mɔ non ananhɔle'n jin su. Menian sɔ'n-mɔ ajɔnlin ti man kpa, ese bé dedi'n kusɔ ti mgban.

⁹ Nan be ngɔ hɔala man mɔa kɔ. ɔ sanlin ke bé kvasia mɔ be ti'n, ɔ 'ba fite mân'n kwalaa anyunnun ke Zvanesi non Zvanbelesi die'n.

Pɔlv amannɛ m'ɔ nwunlin yí'n

¹⁰ Nan wɔ́ die, ε nwunlin mín ninngɛ mɔ n gekeleli'n, mín abalabɔ mɔ m mɔli'n, ɔ non mɔ m muli bé nwɔn akpɔnndan n yɔli'n, ε nwunlin mín dedi'n, ɔ non abɔtale'n mɔ n zili'n, ɔ non ehulo'n mɔ n ne yí'n, ɔ non mɔndɔnlin'n mɔ m mɔli'n,

¹¹ ɔ non yale'n mɔ n nwunlin yí'n. N nwunlin yale kpa Antioɔsɔ, Ikoninwɔmɔn, ɔ non Lisitili elɔ. Nzu ahɔlɔwa die yê b'a ngele man mín ɔ? Nan kusɔ yé Mɔn leli mín fi yí kwalaa anun.

¹² Ese bɔbɔ, bé kwalaa mɔ be non Kilisi Zozi b'a yɔ kɔn, mɔ be kulo ke be yɔ like mɔ Nyanmian kulo'n, be 'kele bé ahɔlɔwa.

¹³ Nan ati ete mma'n-mɔ non atofɔe'n-mɔ, bé ti 'min ete nin anun be laka laka menian dede be laka bé muonun bé nwɔn.

¹⁴ Nan wɔ́ die, ninngɛ mɔ a suan, mɔ a nwun yí ke ɔ ti ananhɔle'n, fa sie kpa. Wɔ́ muonun, ε si sɔanlan'n m'ɔ heheleli wɔ́ ninngɛ sɔ'n-mɔ'n.

¹⁵ Anun ε ti batɔnman kaan sɔa yê ε nwunlin Ehele Ejɔle Nwannzan-nwannzan nin ɔ. ɔ kwalaa ɔ man ε nwun ngele ε de Kilisi Zozi di ε nyan ngɔan.

¹⁶ ɔ sanlin ke Ehele Ejɔle'n kwalaa fi Nyanmian Kpili muonun elɔ. ɔ ti kpa mɔ be fa be kekele

menian ninngɛ maan bɛ nɔwun ananhɔlɛ'n. Bɛ fa bɛ kpala ato'n, bɛ fa bɛ tɪnngɛ sɔanlan, bɛ fa bɛ bɔka sɔanlan maan ɔ bɔ bala m'ɔ sɔ Nyanmian anyɪn.

¹⁷ Yɪ dɪɛ, anɪn Nyanmian sɔanlan'n yɔ faɪn, ɔ kɔala like biala m'ɔ tɪ kpa'n yɔ.

4

¹ Nyanmian Kpili nɔn Kilisi Zozi mɔ ɔ 'ba bua anyɪnwɔsɔɛ mma ɔ nɔn ewue mma ndɛɛ nɪn anyunnun, mɪn kan ndâ kɛ Kilisi ɛwale'n mɔ ɔ 'ba sa ba'n, ɔ nɔn yɪ belemgbɪn mɔ ɔ 'ba li'n dunman nɔn,

² kan Nyanmian Anɔan ɛjɔlɛ fua sɔ, sɛ mɛlɛ'n tɪ kpa ɔ, sɛ ɔ tɪ man kpa ɔ, kan dede maan bɛ lé bɛ lí, tu bɛ nyunnun, wowula bɛ anwɔnsɛlɛ, si abɔtalɛ kpa bɔkɔɔ kekele bɛ ninngɛ.

³ ɔ sanlɪn kɛ, ɔ 'ba ju mɛlɛ'n bie'n, menian'n-mɔ ngɔ tie man ananhɔlɛ ngehele'n kún. Like mɔ bɛ ahɔnlɪn'n kulo'n yê bɛ 'yɔ ɔ. ɛhɪka ati, ɛjɔlɛ mɔ bɛ muonun bɛ kulo kɛ bɛ tie'n, bɛ 'ba yia yɪ nɔwɔn ngehelefɔɛ dɔwɔn maan bɛ kan bɛ kele bɛ.

⁴ Bɛ 'ba totua bɛ nzɔ wɔ ananhɔlɛ ɛjɔlɛ nɪn anwɔn nán bɛ tie ɛhɔa.

⁵ Nan wɔ dɪɛ, sie tile wɔ like biala anɔn, tila wɔ ahɔnlɪn wɔ yalɛ elie nɪn anɔn, man wɔ nɔwɔn tɛ wɔ bɔ ɛjɔlekpa'n, di junman mɔ Nyanmian a fa a man wɔ'n.

⁶ Nan mín dɪɛ, n dɪ kɛ b'a hun mín, b'a butu mín moja nɪn asɪ dada angɔnmɪn. Afɪ mín ewue tɛmɔn a ju.

⁷ M'an hɔn kɔan kpa'n. M'an sɔ mín dedi nɪn anɔn kpa, m'an nwanndi dede m'an gua yɪ bɔ.

⁸ Kɪkaala dɪɛ, kunnunmun elie nɪn anwɔn ahatua lɛ nɔwɔnndɛ mín. Ahatua sɔ'n yɔ le ngɔan

ele abotile'n. Mɔn 'nyan yí cɔan mɔ yé Mɔn m'ɔ bua ndɛɛ sɛsɛ'n, ɔ 'bua kulo menian'n-mɔ ndɛɛ'n. Ɛsɛ bɔbɔ, nan mɔn ngɔnmɔn ala yê mɔn 'nyan yí ɔ, nan mɔn nɔn bé kwalaa mɔ bɛ le ehulo bɛ le nwɔnnde mɛlɛ'n mɔ yé Mɔn 'yí yí nwɔn kele'n.

Ngaliɛ

⁹ Bɔ mɔndɔnlɔn tɔ mɔn ɛwa ndɛ-ndɛ.

¹⁰ Ɔ sanlɔn kɛ Demasi a hulo ɛnɛ mɔn'n dede ɔ'a nwanndi mɔn. Ɔ'a hɔ Tesaloninki. Kelesan a hɔ Galasi mɔn nun, Titɔ kɔsɔ a hɔ Dalɔmasi mɔn nun.

¹¹ Luku angɔnmɔn yê ɔ wɔ mɔn nwɔn ɛwa ɔ. Ɛ 'ba a, fa Maaki ɛ nɔn yí bɛ bála. Ɔ sanlɔn kɛ ɔ kwalaa ɔ buka mɔn wɔ mɔn junman elie nɔn anun.

¹² M'an sɔan Tisiki Efɛzi ɛlɔ.

¹³ N yacili mɔn taladiɛ kpili'n mɔ mɔn wula taladiɛ a, mɔn fa mɔn wula sɔ'n Tolowasi ɛlɔ, Kalipusi anwɔn ebele. Sɛ ɛ 'ba a, fa bele mɔn.

¹⁴ Alegizannɔlɔ m'ɔ bɔ mmulale'n, ɔ'a bɔ mɔndɔnlɔn ɔ'a li mɔn nwɔn ɛjɔle ɛte kpa. Yé Mɔn 'ba tua yí nyɔle sɔ nɔn anwɔn kale.

¹⁵ Wɔ kɔsɔ wɔ, sie wɔ nwɔn ye wɔ yí nwɔn. Ɔ sanlɔn kɛ, ɔ tanlɔn yé nyɔnsɔ kpa wɔ yé ngehele nɔn anwɔn.

¹⁶ Alimɔva tɛmɔn mɔ bɛ nɔn mɔn hɔlɔ bé mɔ bɔ di ɛjɔle'n-mɔ aja sɔ, mɔ mɔn 'sa mɔn nɔn'n, sɔanlan fíí a njinlan man mɔn nzin. Bé kwalaa bɛ nwanndili mɔn.

¹⁷ Nan yé Mɔn jinlanlɔn mɔn nzin, ɔ wulalɔ mɔn anwɔnsɛle, ɔ man m mɔlɔ Ɛjɔlekpa'n kpaye kpa bɔkɔɔ manlɔn bé kwalaa mɔ bɛ tɔ man Zufɔ'n tɔlɔ. Yé Mɔn a le mɔn fi tetianfɔɛ nɔn asa nun.

¹⁸ Ɛsɛ yé Mɔn de mɔn fi ɛte ngacile'n kwalaa anun ɔ di mɔn taataa maan mɔn wɔlɔ yí Belemgbin

Mân nún anun. Anyunminnyanmôn hán yí dahuu. Amín.

¹⁹ Mún 'yɔ Pilisili nún Akilasí, Onezifɔɔ nún yí awulo amma'n-mɔ kɔalaa like.

²⁰ Elasiṭi a ha Kolinti elɔ yê m'an yaci Tolofimôn Minle elɔ, ɔ sanlɪn kɛ anún ɔ ndɪ man akpɔlɛ.

²¹ Bɔ mɔndɪnlɪn bala kɔalaaka nán afɔɛ nún anvan a yia. Ebulusi, Pudansi, Linunsi, Kolodia, ɔ nún anianman'n-mɔ kɔalaa, bé nwan be 'yɔ wɔ́ like.

²² Yé Mún nún wɔ́ tánlan. Nyanmian nwún emɔ kɔalaa anwɔn anwunnvoe.

Anyin

Anyin: Nyɔhyɛ Fɔfɔlɛ'n New Testament

copyright © 1997 Wycliffe Bible Translators, Inc.

Language: Agni Sanvi

Contributor: Wycliffe Bible Translators, Inc.

All rights reserved.

2025-04-26

PDF generated using Haiola and XeLaTeX on 25 Apr 2025 from source files
dated 26 Apr 2025

b4bf56fc-6e3d-5a7c-9f55-25d2c3645a88